

珠官脞錄卷四

許瑞棠輯著

大雪

合浦地入熱帶雖際隆冬少大雪前清壬辰冬雪深盈尺飛紫飄玉魚鳥多凍死人爭敲葉拾雪貯於瓦瓶越夏取吸之殊清湛及冬復望之不可得

地震

清光緒十六年七月十六夜地大震屋宇動搖坐臥不安室中懸掛器具砉然有聲

按地震係因地面壓精過重地心力不能吸載有時傾陷或因地中有空隙地面偶起震動而突然墮落亦有

時地心熱力膨漲因逼近火山遂致炸裂其原因甚多俗人無知驚爲怪異或以爲鰲魚翻身殊爲可哂然在科學未明時不獨中國人迷信即各處皆然閩竹林居士叢話所載日本謂地震由於輪動惟鹿島一區自來不遇地震謂其地有鹿島明神以要石鎮之台灣則謂有物在地曰地牛牛動而地亦動印度則謂地球在牛角上設蠅飛集於牛身牛動故地球隨之震動在西藏則立說愈奇謂地下有怪物曰伊達苦身高一里而口極細雖普通食物猶不克下咽因飢餓甚而身顫動身動而地亦動云

雨血

清光緒乙巳夏天雨血民駭甚越數日就階壁上視雨痕則似泯後亦無災異

按雨血一事見諸載籍者至爲夥顧周報王三十一年齊千乘博昌之間方數百里雨血見文獻通考哀帝建平四年雨血見漢書五行志穆帝永和五年趙國雨血後周顯得五年蜀國雨血見幸蜀記金哀宗天興三年雨血見金史五行志元統二年雨血見元史至與雨血相彷彿者唐天寶十三年載宮中下紅雨若桃花太真喜甚命宮人各以椀杓盛之用染衣裾天然鮮艷見瑯環記明正德十一年張寅後園天雨紅雨開門見簷溜盡赤以甌承之色久不變見太倉

州志隆變四年彭水縣天降紅雨点人衣盡赤見四川總志崇禎十三年安岳縣雨淡紅色着物亦皆紅亦見四川總志此外見諸史籍者尤不勝枚舉
雨雹

廉州素無雹雖白首之人亦罕見者清光緒丙午夏雨雹小者如指大者如卵滿天紛飛而下庭中積起盈寸屋瓦錚錚有聲多破毀離城愈遠則雹愈大損害尤巨東山一帶間有牛畜亦被擊斃者

颶風

廉多颶風清光緒丁未年八月三日颶風忽起入夜愈大潮高數尺沈舟溺人無算有火自東來隨風飛熠樹木皆焦則

民家傾圮田禾盡沒不堪寓目誠巨災也予嘗有詩紀其事
云斷霓飲海水淙淙黑雲遮山如墨濃萬木蕭蕭作濤聲天
乃歛忽作颶風挾以驟雨傾盆至排山倒海勢何雄雷轟電
掣助驕虐憑藉威靈逞狂兇兩儀黯黯那能辨剌然有聲騰
空中一聲忽斷又復續一聲乍西又復東山鳴谷應嘯虎豹
雲垂海立驅蛟龍勢若項王戰巨鹿聲如炎帝戰有熊乍疑
星石隕宋野旋訝靈霄墜禪宮天驚石破萬竹裂碎訇欲震
羣耳聾世間變幻原如此忽然狂飈洗蘊隆屋宇傾頽城垣
塌有若銅山應洛鐘淚珠飛下皎人泣燐火上獨天門紅我
時蜷伏空齋下何堪猛雨打戶窓中宵屋漏榻九徙股慄毛
聳心冲冲夜寒燈火明還滅掩耳且防駭稚童朝來神色恟

三

恍不得定行人走告尤倥傯或云深林拔巨木或云滄海沈
行網沙戶居民狂奔竄胡商賈客悲飄蓬獸畜露宿盡湮沒
紛紛議論無終窮百歲老人皆嘆息眼中未見此災凶更憐
西疇遭摧擊金風一夕倒秋種三時胝胼勞火耨千石黍稼
歸烟空野殍那堪山農哭室罄徒愁婦子容語云救災賴人
力詎知人難勝天工羣陰肆虐迭未已豈獨前此蘊孽蟲饑
民載道可奈何吾且綠章上奏問蒼穹蒼穹高兮難問真夢
夢吁嗟呼蒼穹高兮難問真夢夢

氣候謠諺

日晚風和明朝再多言朝起風晚和東風急急快披簑笠言東
風急必今年鬼打節颶風無得歇言鬼宿值一發二值二發是

年如鬼打節則無隔半年之望矣颶風無迴南必定轉頭探凡颶風發自北而東而南或自北而南一月內必復發不迴東閃日頭紅西閃雨重重南閃長江水

北閃大南風又曰北閃半年北閃眼前閃者電也無怕重陽雨

至怕十三陰重陽下兩晴日必少九月十三陰則更甚晒蓋恒以此卜收成焉病人怕肚脹落

雨怕天亮言雨當昏亮則難晴也春寒春暖春寒言立春寒暖則一春反之春

晴一春晴春陰一春陰言立春之晴陰一年皆如之雨淋土地頭有四十

日有土地迴遇雨必驚蟄未凍冷到芒種驚蟄未冷必冷至芒種節一年

打兩春黃牛死斷根言年頭立春年尾又清明暗山水無離

坎言清明日天陰必多雨清明谷雨冷死老鼠言非過谷雨猶有嚴寒也三月北風

是雨媒謂多雨四月北風送雨回謂少雨也五月北風留灰傳謂風吹灰

也飛也六月北風勾釣船謂船難避風也夏至雷芋頭三只鍾言夏至有雷則天旱

四

六月十二瓜棚到地謂風大也西南交秋禾不醜東北交秋海船

好雷劈秋三年無得收言立秋有雷主旱霜降過三朝繞路去尋橋

謂寒難涉水冬在頭賣了錦被置黃牛冬在中十只牛欄九只空

冬在尾十只黃牛九只死言立冬在月頭則天暖在月中月尾則寒朝三晚七日

午風回不半日子夜翻風日又日言晚晝夜起風之久暫也夜半翻風無

過日不待過日風必息也春甲子禾生兩耳春甲子日雨則禾劣夏甲子撐船入

市秋甲子地裂千里冬甲子牛兒凍死

